



Sardor JOZILOV

**ARZON
ODAMLAR**



«MATBAA OLAMI»
Тошкент - 2021

GAR ONAMSIZ

Onasiz u urgan yurak yurak emas,
Yulduzlarsiz qolgan falak falak emas.
Bu dunyoda asli jannat onam erur,
Gar onamsiz menga jannat kerak emas.

Mayli xushxon sayramasin bulbullar ham,
Mayli sevmay yashasin bu ko'ngillar ham.
Menga oshiq bo'lib o'lmoq sharaf emas,
Gar onamsiz menga jannat kerak emas...

YANGI SARBON

Bu millatni Temur bobom tiklagan,
Mustaqillik Islom bobomdan qolgan.
Bugun bizda yangi quyosh nur sochgan,
Buyuklarga oshyon bo'lgan qadim yurt,
Yangi sarbon bilan olg'a borar yurt.

Bugun bizda o'zgacha bir shijoat
Yigitlarda yengib bo'lmas matonat.
Qizlarida ibo, hayo, diyonat,
Farzandlarin doim qo'llab borar yurt,
Yangi sarbon bilan olg'a borar yurt.

Xalqi uchun bir zum tinim bilmagan,
Raqiblarga aslo sirin bermagan.
Yer yuzini aqliga lol aylagan,
Bizga yangi sarbon bergan ona yurt,
Shunday sarbon bilan olg'a borar yurt.

Yurt sha'nini sotganlar ham ko'p bo'lgan,
Ortidan o'q otganlar ham ko'p bo'lgan.
Olloh bizni har nafasda qo'llagan,
Parvardigor mehri tushgan buyuk yurt,
Yangi sarbon bilan olg'a borar yurt.

Zabt etdik biz eng yuqori cho'qqilar,
Doim bosib o'tilgan zo'r marralar.
Yuraklarda vatan sha'ni jo'sh urar,
Barchamizga ishonch bo'lgan suyuk yurt,
Yangi sarbon bilan olg'a borar yurt.

Iste'dodlar to'lib toshgan bu makon,
Xalqi uchun ona kabi mehribon.
Hammamizga birdek bo'lgan jonajon,
O'zbekiston degan ajib ona yurt,
Yangi sarbon bilan olg'a borar yurt.

QARINDOSHLARIM

Sizlar borsiz go'zaldur hayot,
Ne istasam yetar qo'llarim.
Sizsiz ilhom, siz erur najot,
Mehri daryo qarindoshlarim.

Goho g'amdan o'rtanib qolib,
Jiqqa yoshga to'lsa ko'zlarim.
Doim meni yonimda bo'lib,
Yupatgan sizsiz, qarindoshlarim.

Oyog'imga agar kirsiz tikonlar,
Boshim uzra otilsa tuhmat toshlar.
Ne bo'lsa yonimda bo'lgan insonlar,
Sizsiz mening qarindoshlarim.

Madh etgin ey, shoir yaqinlaringni,
Yonida bo'l doim dilbandlaringni.
Hamisha tutguvchi seni qo'lingni,
Asragin Sardorbek jigarlaringni.

ARZON ODAMLAR

Ishonching oqlashga tayyor har nafas
To'g'ri deb sen aytgan har bir so'zingni.
Aslida ortingdan tuzalar qafas
Arzon odamlarga bersang siringni.

Qo'lingdan tutadi go'yo mehribon
Poylaydi aslida bosgan yo'lingni.
Omading ketsa gar qochar har tomon
Arzon odamlarga bersang siringni.

Adashma, Sardorbek aslo yo'lingdan
Qoqilsang turtkilab o'yar ko'zingni.
Omadingni olar tortib qo'lingadn
Arzon odamlarga bersang siringni.

SINOVLI DUNYO

Ilojsiz qolaman gohida o'zim,
Gohida dunyoga sig'may qolaman.
Sinovlardan bugun yoshlandi ko'zim,
Qudrating oldida taslim bo'laman.

Sinovlarni yengmoq naqadar qiyin,
Bu dunyo go'yoki azobli o'yin.
Mol dunyo mansabing bo'lmasa agar,
Joningni o'yinga tikishing tayin.

Mansabing ustiga mansab qo'shilgan,
Omading yo'lingga guldek to'shalgay.
Istagan orzuying albat ushalgay,
Sinovdan bardoshla o'ta olsang gar.

Pand berdingmi tamom, mag'lub bo'lasan,
Tirik murda kabi jonsiz qolasan.
Bardoshla sinovni yengib o'tsang bas,
Dunyoda eng baxtli inson bo'lasan.

YIROQDAGI YAQINLARIM

Ko'rgim kelsa ko'zlarimga yosh to'ladi,
Yillar o'tib yurakkinam og'rinadi.
Ko'zlar har kun siz tomonga talpinadi,
Yiroqdagi yaqinlarim, sizni ko'rgim keladi.

Diydoringiz yillar bo'ldi ko'rolmadim,
Ishlar ko'p deb, bir bor yo'qlab borolmadim.
Bu ishlar hech tugamaydi deyishadi,
Yiroqdagi yaqinlarim, sizni ko'rgim keladi.

Atrofimda nolimayman do'stlarim bor,
Ota-onam duolari madadkor.
Lekin sizsiz bugun yomon og'rindim,
Yiroqdagi yaqinlarim, sizni juda sog'indim.

Pul topay deb, bir bor esga olmadim,
Go'zallarni sevaverib tolmadim.
Bu borada hech ham ortda qolmadim,
Yiroqdagi yaqinlarim, sizni juda sog'indim.

Shukur qilay toleim bor, baxtim bor,
Har qadamda menga doim omad yor.
Bugun qo'rqmay bir gapni qilay oshkor –
Yiroqdagi yaqinlarim, sizni sog'indi Sardor

QISHLOG'IM

Mening ona qishlog'im
Ikki tog' quchog'ida.
Oq tog' ila qora tog'
Markazida, bag'rida.

Bog'-rog'larga burkangan
Saxiy quyosh taftidan.
Insonlari suv ichgan
Nurota chashmasidan.

Qish paytida to'xtamay
Yog'ib berar laylak qor.
Yomg'irlarga boy o'tar
Gullar fasli novbahor.

Yoz faslida mevalar
Birin-ketin pishadi.
Kuzda oltin bargchalar
Sekin pastga tushadi.

Tog'lari go'zal o'tloq
Suvlari totli buloq.
G'urur bilan yashaydi
Hatto jajji chaqaloq

Armon bo'lib qolmaydi
Bir bor kelib ko'rsangiz.
Chashmalardan suv ichib
Boychechaklar tersangiz.

ANNA degan nomidan
G'ururlarga to'laman.
Bir bor yo'qlab kelsangiz
O'zim mehmon qilaman.

SINAR YIGITLAR

Pulni deb o'zini o'tga ham urar,
Omadin bermaydi qilgan ishini.
Alamin jimgina ichiga yutar,
Yo'qchilik sindirar yigit kishini.

Yugurish istasa, toshga urular,
Tepaga intilsa, quyosh kuydirar.
Go'yoki ustidan hayot ham kular,
Yo'qchilik tufayli sinar yigitlar.

Chin do'stdir yigitga asli oriyat,
Ishongan yaqini bukilmas g'urur.
Sinovlar yo'llasa shavqatsiz hayot,
Boshini tik tutib yashaydi mag'rur.

Kuladi ustidan ne-ne nokaslar,
Kuladi doimo g'urursiz beklar.

Boshini egamydi g'animga, yovga,
Hayot sinovini yengan yigitlar.

Bir kuni omadin beradi olloh,
Oyning o'n beshini yorug', deydilar.
Oriyati doimo bo'lgaydur panoh,
G'ururini osmon bilgan yigitlar.

O'tga ham, cho'qqa ham urar o'zini,
O'ngidan beradi bir kun ishini.
Ollohim ko'rsatar hayot yo'lini,
Qiynalib pul topgan yigit kishini.

YOSHLIK BAYOTI

Birin ketin o'tib ketarkan,
Orzularning uzun yo'llari.
Sog'insang ham kutmay o'tarkan,
Bu dunyoda yoshlik yillari.

Kimga orzu, kimgadur armon,
Diydoriga qoniblar to'yish.
Ko'ngil esa sog'inar hamon,
Yoshlik deya yig'lash va kuyish.

Oh! U damlar qaytsa qaniydi,
O'sha go'zal hislari bilan.
Balki meni ko'rsa taniydi,
Sevgi degan qizlari bilan...

BOBOJON

*O'zbekiston Respublikasining birinchi prezidenti
Islom Karimov xotirasiga bag'ishlanadi*

Siz qoldirgan buyuk bu davlat
Biz yoshlarga qoldi omonat.
Shunday go'zal, betakror vatan
Sizdan bizga qoldi bobojon.

Shukrlar qilaylik bizda manzil bor
Bu manzil oxiri baxt va istiqlol.
Biz yoshlar yashasak bir tan va bir jon
Ruhingiz doimo qo'llar bobojon.

Farzandlarin sizchalik o'ylamas hech kim
Sizchalik yoshlarga bermasdi imkon.
Ilohim, qabringiz nurlarga to'lsin
Joyingiz jannatda bo'lsin bobojon.

Qo'llaydi samoda xudo ham bizni
Yurtimning jamoli yashnatar ko'zni.
O'zbekim farzandlari aytsak bir so'zni
Bobojon ishonchingiz oqlaymiz sizni.

Siz sabab yashadik baxtiyor bo'lib
Siz sabab angladik bugun o'zlikni.
Hatto bugun samoda turib
Qo'llab turguvchisi bordur O'zbekni.

SAROB

Yillar bo'yi asragan gulim,
Saroblarga ifor taratdi.
Yoshim asta-sekin ulg'ayib,
Yillar tomon ko'zim qaratdi.

O'tgan yillar sarhisobini,
Eslab bugun o'yga tolaman.
Hayotimning yangi bobini,
Saroblardan asrab qolaman.

Men yashagan samimiy umr,
Yillar bo'yi yozilgan bayot.
Bayotdagi shodon kunlarni,
Sarob kabi olmagin hayot.

Hayotda shodon yashash,
O'zingga bog'liq narsa.
Hech nima qilolmaysan,
Xudo omad bermasa.

Insonlardan omadni,
Ollohim hech olmasin.
Yoqimli bu hayotni,
Saroblarga solmasin...

MEROS VATAN

Buyuk siymo bo'lib dilda qoldingizku,
Biz yoshlarni jondan aziz bildingizku.
Sizga farzand bo'lib baxtni topdikku biz,
Axir doim suyib bolam, derdingizku.

Bobom bergan baxtni doim oqlaylik biz,
Aytganidek dono farzand bo'laylik biz.
Sizdan bugun meros qoldi go'zal makon,
Buyuklarni ko'rgan buyuk O'zbekiston.

Sen bobomdan meros bo'lib qolding vatan,
Farzandimga qarzim ham sen o'zing vatan.
Senga fido bo'lsin ko'ksimdagi jon,
O'zing mening hayotimsan, O'zbekiston.

Jon bersak biz beraylik shu vatan uchun,
Islom bobom obod qilgan chaman uchun.
Eshitganda endi doim tinchlik sasini,
Unutmaylik bobomizning xotirasin.

MEHR

Kuyinma, do'stlaring tashlab ketsa ham,
Kuyinma, boridan bo'lsang ham judo.
Kuyinma, qalbingni egallasa g'am,
Baxtingni bir kuni beradi xudo.

Boriga shukur qil, yo'g'iga sabr,
Hatto rizqin terib yuribdi gado.
Pulni deb joningga qilmagin jabr,
Rizqingni taqsimlab beradi xudo.

Qo'lni qo'lga beraylik bugun,
Ertaga bugunni topmoqlik mushkul.
Hech kim bu dunyoga bo'lolmas ustun,
Yaxshimi, yomonmi ketamiz bir kun.

Bu dunyo berilgan bir lahza bizga,
Go'yoki o'xshaydi bosilgan izga.
Ey do'stlar, Sardorbek aytadi sizga,
Mehribon bo'laylik bir-birimizga.

ALVIDO

Sening ishqingda kuyib
Bo'libman misli gado.
Bevafo qizga endi
Deyman faqat alvido.

Bilsam bugun yuraging
O'zga uchun urmoqda.
Men oshiqning ustidan
Telba deya kulmoqda.

Bir kun yodingga tushib
Yuraging og'ritarman.
Yig'lab ko'rging kelganda
Xayolingdan o'tarman.

O'sha damda ko'z yoshing
Daryo bo'lib ketmasin.
Ko'zlaring yo'lga qarab
Endi meni kutmasin.

O'tli sevgim bit kuni
Beradi senga jazo.
Men baxtimni toparman
Senga esa alvido.

OMAD

Xudo omading bergan
Baxtingni serob qilgan.
Bu dunyoda kaming yo'q
Tashvishing yo'q, g'aming yo'q.

Orzularing ortidan
Orzular ushalmoqda.
Sen nimani xohlasang
Olloh ham ko'p bermoqda.

Ko'ngil to'lib ko'z to'lib
Manmanga aylanmagin.
Xudoni gam unutib
Baxtsiz bo'lib qolmagin.

Davrim kelib qoldi deb
Yo'lingni yo'qotmagin.
Omadim borku deya
Nomard yo'lin tutmagin.

Shunday farovon kunni
Berganiga shukr qil.
Ollohn sen doimo
Muqaddas bil, aziz bil.

YIG'LAMA

Armon bo'ldi bizga muhabbat,
Go'zal sevgimizni yengdimi nafrat?
Ne bo'lsa ham gulim iltimos,
Meni eslab yig'lama faqat.

Sog'insang yo'linga bir zum qarama,
Bir kun kelar deya o'zing aldama.
Jilmayib kulib tur tabassum bilan,
Lekin meni deya aslo yig'lama.

Yig'lama, qalbingda armon bo'lsa ham,
Yig'lama, bu dunyo tordek bo'lsa ham.
Taqdirning hukmini qabul qil gulim,
Garchi bu o'limdan qiyin bo'lsa ham.

Armonga duch keldi bizning yo'limiz,
Taqqirga kaltalik qildi qo'limiz.
Na chora qalbimiz tubida doim,
Pinhon qolar bo'ldi bizning sevgimiz.

BUYUK MEROS

Qodiriy asarlari bilimga boy, so'zga boy,
Navoiy «Xamsa»lari dunyoga ochdi chiroy.
Buyuk asarlaridan burkangan o'tli makon,
Shunday shonli tarixga egadur O'zbekiston.

«Boburnoma»ni do'stlar aytingchi, kim bilmaydi,
«Temur tuzuklari»ni kimlar shior qilmaydi.
Dunyoning ishlaridan yig'laydi mungli ko'zlar,
Turfa taqdirlar bilan yaralgan o'tgan kunlar.

Bilmaganlar tanimas Fitrat-u Cho'lponni,
Kimlar ayting, bilmaydi mehrobdagi chayonni.
«Kecha va kunduz» sirin hayotiy qilib ochgan,
«Yulduzli tunlar»ida baxt, iqbol nurin sochgan.

O'g'ri bola taqdirin yozdiku G'ofur G'ulom,
Tushda kechgan umrda turfa g'avg'o, turfa g'am.
Biz o'zbekning yoshlari barchamiz bir kitobxon,
Islom bobom aytganidek buyukdur O'ZBEKISTON.

VATANDIR BU

Qizlarining yuzlarida nur charog'on,
Yigitlari oriyatli, hur, pahlavon,
Amir Temur buyuk oshyon qilgan diyor,
O'zbekiston degan ajib vatandir bu.

Kubrosi bor, bayroq tutib jon bergan,
Ayting so'zni Navoiydek kim tergan,
Amir Temur ot ustida tik turgan,
Buyuklarga oshyon bo'lgan vatandir bu.

Beruniyning ko'zlariga nur bo'lgan
Koinotni Ulug'bekdek kim bilgan,
Jaloliddin shu yurt uchun jon bergan,
Bobur Mirzo qumsab o'tgan vatandir bu.

Bugun Cho'lpon istagandek ozodmiz,
Fitratga ilhom bo'lgan makondir bu,
Dunyoni lol aylagudek obodmiz,
Yer yuziga eshik bo'lgan vatandir bu.

Bugun har bir insonning o'z so'zi bor,
Bizga madad bo'lmoqdaku istiqloq,
Bizni bilsa bildi dunyo ikki bor,
Islom bobom xalqim degan vatandir bu...

SINGLIM

Singlim Sitoraga bag'ishlanadi

Xush yoqadi har bir so'zlari,
Navo kabi mening ko'nglimga.
Bu dunyoning go'zal qizlari,
Teng kelolmas mening singlimga.

Onamga yordamchi, tayanchdur singlim,
Dadamga erkato'y, suyanchdur singlim.
Uch aka yuragi tubida doim,
Iboyu hayosi mehribon singlim.

Yuzlari onamning yuzidek porloq,
So'zlari nur kabi yorqin shamchiroq.
Akalarin ishin o'ngidan tilab,
Yo'limiz yoritib borguvchi mayoq.

Qo'rqmasdan yashagin bu dunyoda sen,
Uch akang ortingda tog'dek turibdi.
Singiljon, bir gapni aytay senga men
Sen borsan akanglar baxtli yuribdi.

Bizning baxtimizga bor bo'lg'in doim,
Umringni ziyoda qilsin xudoyim.
Sen sabab yashnaydi doimo dilim,
Uyimiz farishtasi o'zingsan SINGLIM.

G'IYBATIM QILMANG

Kamtarlik yo'limiz chirog'i bo'lsin,
Shirin so'z chin mehr mayog'i bo'lsin.
Oллоh berganiga shukur qilaylik,
Avvalo do'stlarim, inson bo'laylik.

Chidadim hayotning zarbalariga,
Chidadim insonlar zardalariga.
Azoblar yoshlatar mening ko'zlarim,
Ortimdan g'iybatim qilmang, do'stlarim.

Hayot yo'llarimga qo'ymang tuzoqlar,
Kuzatmang har onda bosgan izlarim.
Yolg'onmas bugun chin mening so'zlarim,
Ortimdan g'iybatim qilmang, do'stlarim.

O'ylamang Sardorni bir kun sinar deb,
Xom xayol gumonlar qiynaydi seni.
Barchamiz jam bo'lsak qiyomat kuni,
Ortimda sherlarim eslatar meni.

Izlamang hayotda yomon kunlarim
Izlamang sherimdan yog'on so'zlarim
Yominda turib ham poylab ko'zlarim
Ortimdan g'iybatim qilmang do'stlarim.

ALAM

She'rimning mayusligi
Dardga to'la qalamdan.
Yuragimning og'rig'i
Ko'ksimdagi alamdan.

Yuragimni og'ritib
Kechib ketding sevgingni.
Nahotki meni tashlab
Topib olding tengingni.

Bugun esa ko'zlarim
Seni izlab yonmoqda.
Alamzada yuragim
Yig'lab ko'z yosh to'kmoqda.

Bir umr alam bilan
Sevar meni ko'zlarim.
Nahot endi yurakdan
Chiqmas mening so'zlarim.

Yillar o'tib Sardorni
Qandayligin bilarsan.
Sevganing tashlab ketsa
Yo'limga zor bo'larsan.

Qaytar dunyo kelsa gar
Haqiqat oshkor bo'lar.
Sevgini o'yin qilsang
Alam o'ti yondirar.

SENI SOG'INDIM

Umrinning bahori seni sog'indim,
Ko'zimning xumori seni sog'indim.
Xayolimda doim go'zal vasling,
Tilimda aylanar sening isming.

Ko'zlaring sog'inaman, ko'zlari xumor,
So'zingla ovinaman kelgin, ey yor.
Tushimda parvonaman, izlaringga zor,
Ko'nglimga bunchalar bermagin ozor.

Ko'zlari xumorim, seni sog'indim,
Umrinning bahori, seni sog'indim.
Qalbingda arazu gumonni yashir,
Qiynamay kel yor, seni sog'indim.

YASHAYOTGAN INSONLAR

Ko'cha-ko'yda omad izlab yurganlar,
Halol mehnat qilib rizqin terganlar,
Olloh sizni panohida asrasin,
Otam deya yashayotgan insonlar,
Onam deya yashayotgan insonlar.

Sotqinlarga bir zum sirin bermagan,
Musofirlik qilib yurtidan ketmagan,
Vatanidan go'zal yurtini ko'rmagan,
Yurtim deya yashayotgan insonlar,
Xalqim deya yashayotgan insonlar.

Ne bo'lsa ham dilda saqlab orini,
O'zdan boshqa hech kim bilmas dodini,
Chin yurakdan sevib jufti yorini,
Ori uchun yashayotgan insonlar,
Yori uchun yashayotgan insonlar.

Dushmaniga aslo boshin egmagan,
Uy-joyim deb bir zum tinim bilmagan,
Ertayu kech bolasini o'ylagan,
Oilaning tayanchi bo'lgan insonlar,
Bolam deya yashayotgan insonlar.

UMR

Vaqting yetib kelganida
Dori davo bo'lolmas.
Na mansabing, na puling
Seni asrab qololmas.

Seni puling qancha deb
So'ramaydi xudo ham.
Savob ishlari uchun
Jannatga tushar odam.

Mehribonlik insonni
Qiyomatda saqlaydi.
Qalbi pok insonlarni
Oллоh o'zi asraydi.

Ey, do'stlarim, Sardordan
Ozgina bir nasihat.
Umrning kitobiga
Mehrardan qo'ying dasxat.

MANGU AYRILDIK

Baxtli kunlarimiz bo'ldimi armon,
Sevgimiz bog'ini bosdimi to'fon,
Nahot, yuraklarga to'ldimi yolg'on,
Bugun ikkimiz ham hazondek so'ldik,
Muhabbat yo'lida mangu ayrildik.

Kimlar sevgimizni ko'rolmas edi,
Kimlardur bizlarga baxtli bo'l, dedi,
Bir-birin sog'ingan ko'zlarni endi,
Tomchi ko'z yoshlarga bekitar bo'ldik,
Muhabbat yo'lida mangu ayrildik.

Afsus, tutolmadi baxtni qo'limiz,
Armonga duch keldi bizning yo'limiz,
Sevgiga muhtalo qalbni o'zimiz,
Sog'inchning hukmiga topshirar bo'ldik,
Muhabbat yo'lida mangu ayrildik.

Sardorbek, jim endi sevgingni unut,
Go'zal osmoningni qopladi bulut,
Sevgingni o'ylama saqlagin sukut,
Muhabbat bog'ida bir gulsiz qolding,
Ming afsus, sevgingdan ayrilib bo'lding.

NOTINCH DAVLATLARGA

Dunyoni egallashmi, xon bo'lishmi maqsading,
Nahotki shu yo'l uchun qo'lga qurol ushlading?
Odam o'ldirish bilan baxtga yeta olmaysan,
Xalqingni zor qaqshatib ko'pga yetib bormaysan.

Insonni qonin to'kib nimalar qilmoqchisan,
Oilasiga xavf solib aytgin kim bo'lmoqchisan?
O'zga yurtning xalqiga ko'p ko'zingni suzmagin,
Orzularni ko'p qilib ko'zingdan ayrilmagin.

Bir kun kelib o'zingni o'zing qirib ketasan,
Ko'p insonni o'ldirsang sen ham tezda o'lasan.
O'zga yurtning xalqini qirishdan hech foyda yo'q,
Bir kun o'z yuragingga kelib tekarsan o'q.

Bu dunyoda ko'p yashab qilganing shular bo'ldi,
O'zga yurtga xavf solsang, shunchalar ko'ngling to'ldi.
Dunyoni tinchligini buzaman deb o'ylama,
Qancha-qancha nomardlar shu yo'lda nobud bo'ldi.

Senku o'z yurtningni baxtini asrolmading,
O'zgalar tinchligini hasad qilib ko'rolmading.
Xalqing yo'q bo'lishiga aybdorsan sen o'zing,
Yurtning tinch bo'lgan paytlar qayerda edi ko'zing?

QADDRONLARIM

Yiqilsam ortimdan tepkilab ketar,
Ortimdan g'iybatim qilib do'stlarim.
Omadim kelganda azoblar yutar,
Qadrimga yetmagan qaddrdonlarim.

Yorug' kunlarimda hamroh bo'lganlar,
Qorong'u kunlarda bo'ldi dushmanim.
Bugun meni kimligim bilar,
Qadrimga yetmagan qaddrdonlarim.

Shukr qilay bugun ollohga,
Ne istasam yetar qo'llarim.
Sabir bersin xudoyim sizga,
Qadrimga yetmagan qaddrdonlarim.

Endi sizni aslo ko'rmasin,
Bu dunyoda meni ko'zlarim.
Qalbingizga nafrat to'lmasin,
Qadrimga yetmagan qaddrdonlarim.

Sardorga kerakmas siz kabi pastlar,
Oyog'im bog'lovchi behuda xaslar.
Bir paytlar g'ururim ko'p yerga urib,
Qadrimni o'ynagan o'yinchoq do'stlar.

Bir kun aybingizni tushinib yetib,
Tutishga urinmang meni qo'llarim.
Azobli pushaymon domida qolib,
Qadrimni kech bilgan qaddrdonlarim.

NAVOIY SHAHRIM

60 yoshga to'libsana mana,
Har kuningda bitta tantana.
Nega senga sherlar yozmayin,
Axir o'zing menga bo'lgansana ona.

Yoshsan bugun, navqironsan sen,
Istiqlolni ko'zlagan faxrim.
Quchog'ingda quvna o'sdim men,
60 yoshing muborak shahrim.

Olinga boy azim tuprog'ing,
Mehrga boy har bir qarog'ing.
Yonib turar barcha yurakda,
Baxt yo'lida yoqqan chirog'ing.

Buyuk bobom, nomin olib sen,
Bir umrga bo'lgansana boqiy.
Tarifingga sherlar yozay men,
Go'zal shahrim bo'lgan Navoiy.

Bir tarafing yashnagan bog'lar,
Bir tarafing Nurota tog'lar.
Keng ko'chalar baland binolar,
Barchasi sendadur Navoiy shahrim.

Men bir shoir oddiy bolaman,
Shahrim sendan ilhom olaman.
Yuz yoshlarga to'lganingda ham,
Seni maqtab sherlar yozaman.

FERUZAXON

Nigohida muhabbati aks etadi,
Kulishlari ko'zlarimni yondiradi,
Kipriklari yuraginga o'q otadi,
Feruzaxon muhabbatim, Feruzaxon,
Ishqingizda ado bo'ldim, Feruzaxon.

Sizni ko'rsam yurakkinam og'rinadi,
Har lahzada siz tomonga talpinadi,
Nigohlarim faqat sizni sog'inadi,
Feruzaxon muhabbatim, Feruzaxon,
Ishqingizda ado bo'ldim, Feruzaxon.

Bugun sizni ishqingizda devonaman,
Muhabbatning ummonida to'lg'onaman,
Tushlarimda sizni ko'rib uyg'onaman,
Feruzaxon muhabbatim, Feruzaxon,
Sizni sevib ado bo'ldim, Feruzaxon.

Sochlaringiz sharsharadek mavjlanadi,
Yurishingiz bir kun meni o'ldiradi,
Tarifingiz yozsam go'zal sher bo'ladi,
Feruzaxon muhabbatim, Feruzaxon,
Ishqingizda ado bo'ldim, Feruzaxon.

Sardorbekni ko'zlaringiz joduladi,
So'zlaringiz xayolimni o'g'irladi,
Olloh meni sevgingizga zor ayladi,
Feruzaxon muhabbatim, Feruzaxon,
Sizni deya ado bo'ldim, Feruzaxon.

OLLOHIMNING BANDALARI

Hayot o'zi turfa ko'rsatar kuchin,
Kimlarga ertaga kimlarga bugun.
Barchamiz insonmiz olloh oldida,
Hech kim bu dunyoga bo'lolmas ustun.

Shukr qilib yashang boridan,
Insof so'rang yoshu qaridan.
Odamiyik mehri so'nmasin,
Ollohimning bandalaridan.

G'aflatda qolmaylik sira ey, inson,
Savobli dunyo bu ko'zni ochaylik.
Gunohlar yo'lidan qaytgin ey, nodon,
Halollik yo'lidan birga boraylik.

Besh kunlik dunyo bu o'tib ketguvchi,
Olloh dargohiga barcha yetguvchi.
Inson shu besh kunlik umr satrini,
Savob kitobiga yozib bitguvchi.

Ko'zlarni ochaylik vaqt qaytmas sira,
Shukrlar qilaylik bugun boridan.
Ko'ngillarni aslo qilmaylik xira,
Ollohim yaratgan bandalaridan.

NASIHAT

Maqtanma, ortiqcha mol-davlatingga,
Barchasi bir zumda bo'ladi ro'yo.
Ishonma, o'tkinchi zo'r savlatingga,
Sendan ham zo'rini ko'rgan bu dunyo.

Kekkaysang boshingni egib qo'yadi,
O'zingga kelolmay qolasan go'yo.
Maqtansang, o'sha dam ko'zing o'yadi,
Sendan ham zo'rini ko'rgan bu dunyo.

Nelarni bu dunyo ko'rib qo'ymagan,
Hech kimsa o'lmasdan mangu qolmagan.
Hali bu hayotda hech bir odamzod,
Dunyoni puliga sotib olmagan.

Qoqilsang yomonlar tuzoqlariga,
Turushingga yordam beradi dunyo.
Chidasang hayotning sinovlariga,
Yashashni o'rgatib qo'yadi dunyo.

Qaniydi oqibat, mehri o'lmasa,
Taratib yashasak qalblarga ziyo.
Ko'ngilda yomonlik hisi bo'lmasa,
Neki kaming bo'lsa beradi dunyo.

DO'ST

Boshingga kulfat tushsa
Yoningda turar chin do'st.
Sendan omad ketganda
Omading tilar chin do'st.

Ulfatlarga ishonsang
Oyog'ingdan chaladi.
Chin do'sting bo'lsa agar
Senga tirgak bo'ladi.

Chin sinovda sinalar
Asl do'stlarning mardi.
Puling uchun do'st bo'lar
Ulfatlarning nomardi.

Sodiq do'sting bo'lmasa
Yolg'izlik qiynar seni.
Ulfatlarga kun qolsa
Buyumdek o'ynar seni.

Mol-davlatning ko'p bo'lsa
Ulfatlar ko'payadi.
Boshingga g'am tushganda
Chin do'stlar sinaladi.

Sodiq do'stlaring doim
Asrar seni kulfatdan.
Yiroq qilsin xudoyim
Ichi qora ulfatdan.

HAYOT SINOVLARI

Goh quvonch, gohi g'am hamroh yo'limda,
Soxta do'st ulfatlar o'ngu so'limda,
Bevafo go'zalning jilmayib kulib,
Tushgan suratlari jamdur qo'limda,
Bu qanday sinovdir yondim baridan,
Charchadim hayotning sinovlaridan.

Omadim berganda bu qodir egam,
Baralla hurarkan hatto itim ham,
Dóso'tlarim yonimda sha'nimni maqtab,
«Buni axir bizlar qilganmiz odam»,
Vujudim yonadir yolg'on sözlardan,
Charchadim hayotning sinovlaridan.

Mayli ketsin o'shal bevafo,
Chin sevgimni o'yinchoq bildi,
Yuragim yig'lama, chekmagin jafo,
Xudoga sol uni o'ylama, bo'ldi,
Adashdim muhabbat so'qmoqlaridan,
Charchadim hayotning sinovlaridan.

Bo'ldi bas, Sardorbek olg'a bor doim,
Senga hamroh erur yolg'iz xudoyim,
Bevafo sevgilim soxta ulfatlar,
O'pasiz bir kuni oyoqda loyim,
Yo'linga qaramang izlab so'zlarim,
Meni bilolmagan nomard do'stlarim...

XAYR, SEVGILIM

Qiyin ekan asli muhabbat
Sevgan guling ko'ngling bilmasa.
Sen boringni bersangu faqat
Ul bevafo seni sevmasa.

Endi bilsam menga armonsan
Yetib bo'lmas ko'kdagi oysan.
Sensizlikka o'rganar ko'nglim
Xayr, mening bevafo sevgim.

Sen osmonsan ko'kdagi yulduz
Senga aslo yetmaydi qo'lim.
O'zgalarning baxtisan afsus
Armon bo'lgan bevafo sevgim.

Men ham bir kun baxtli bo'laman
Uchrataman o'zim tengimni.
Bir umrga eslab qolaman
Bevafodan qolgan sevgimni.

Bu dunyoda bevafolarni
Sardor endi hech ham sevmaydi.
Bor mehrini berishi mumkin
Yuragini aslo bermaydi.

Xayr endi, xayr sevgilim
Ushbu erur eng so'ngi so'zim.
Yolg'izlatib ketding bevafo
Endi seni ko'rmasin ko'zim...

YOSHLIK YILLARI

Birin ketin o'tib ketarkan,
Shamollarning jo'shqin yellari.
Xazon kabi tezda o'tarkan,
Bu dunyoda yoshlik yillari.

Yillar o'tar ulg'ayar inson,
Ulg'ayarkan orzu-o'ylari.
Ko'ngil yig'lab xo'rsingan hamon,
Esga tushar yoshlik yillari.

Oh, bolalik o'zgacha tuyg'u,
O'zgachadur hatto hislari.
Senda bo'lmas hech qachon qayg'u,
Shodon o'tar yoshlik yillari.

Umlarning bahorisan sen,
Bir yon anbar, bir yoning lola.
Imkon bo'lsa bu dunyoda men,
Bo'lar edim bir umr bola.

Bahor borib to'qnashar kuzga,
To'xtatolmas inson qo'llari.
Quloq soling do'stlar bir so'zga,
O'tib ketar yoshlik yillari.

Umrin uchun yoshlik yillari,
Bir umrga xotira azal.
Sardorbekning aytar so'zlari,
Hayot asli shu bilan go'zal...

O'ZBEKISTON

Buyuk daholarni ko'rgan bo'stonim,
Shoirlar tilidan tushmas dostonim,
Meni quchog'ida doim asragan,
Onamdek bag'ri keng O'zbekistonim.

Onamsan sen meni duolar qilgan,
Otamsan sen menga nasihat bergan,
Jo'shqin yuragimsan sen mening jonim,
Kindik qonim to'kilgan O'zbekistonim.

Chiroying dunyoni lol aylamoqda,
Bugun buyuk noming dunyo bilmoqda,
Senda yashab bugun topdim o'zligim,
Hech kimga bermayman seni O'zbekim.

Qizlaring Barchinoy, To'maris zoti,
Yigitlar Alpomich, Temur avlodi,
Yuragi sevgi va baxtlarga to'lgan,
O'zbekdek millatning jasur zuryodi.

Nurota chashmasisan nurlar taralgan,
Registon binosidek qo'ldan yaralgan,
Quvonchda o'tmoqda senda har onim,
Buyuklarni buyuk qilgan O'zbekistonim.

GULIM

Bir paytlar mehrdan yonardi ko'zlar,
O'ziga sig'masdan sevardi dilim.
Ul go'zal sevgimni rad etdi netay,
Muhabbatim bilmagan gulim.

Sho'x yeldek samoni kezib yurardim,
Goh yulduz goh oyni quchib yurardim.
Xayolan sen bilan suhbat qurardim,
Muhabbatim bilmagan gulim.

Bevafo bunchalar ko'p ekan hayhot,
Sevib sevilolmay azobda qoldim.
Chin sevgini deya jon berdi Farhod,
Mening jonim sen olding-ku gulim.

Dard to'la alamdanda qiynalib ko'nglim,
Telbadek urmoqda bugun yuragim.
Netay har kun seni kutar ko'zlarim,
Muhabbatim bilmagan gulim.

Sog'inib esga olsam suratingni o'pardim,
Birga o'tkizgan shodon kunlarimni eslardim.
Men seni bir umr o'zim baxtli qilardim,
Afsus sevgim bilmading gulim.

Nima ham der edim baxtli bo'l mensiz,
Men esa bir umr yashayman sensiz.
Sevmaydi endi hech bechora dilim
Sardorning sevgisin bilmagan gulim.

YURAK

Men nodon yuragimni
Qo'sh qo'llab senga tutdim.
Bilsam sevmas ekansan
Baxt o'rniga g'am yutdim.

Sevgi degan tuyg'udan
Yiroq bo'ldi bu qalbim.
Sevgidan xasta edi
Senda qolgan yuragim.

Bechora yurakkinam
Yomon og'rinsa kerak.
Sevib sevilolmasa
Vujudin sog'insa kerak.

Bir kun kelib qalbingni
Egallaydi yuragim.
Xastalikdan qutilar
Yuraksiz mening qalbim.

Qalbingga kirsan bo'ldi
Vujuding egallaydi.
O'zingning yuragingga
Ko'ksingda joy qolmaydi.

O'shanda o'z vujudin
Yuragim izlab kelar.
Seni qalbingda turib
Baxtliman deb baqirar.

Vaqt kelib sen meni
Qattiq seva boshlaysan.
Tuyg'usiz o'z yuraging
Uloqtirib tashlaysan.

Men seni sevganchalik
Seva boshlaysan meni.
O'shanda qadrlaysan
Sevgi degan tuyg'uni.

Bu yurak deganiga
Birda quvonch g'am to'lar.
Ikkimizni bir yurak
Albatta baxtli qilar.

ERKAK

Yigitsan ortingga aslo qarama,
Qadring bilmagandan qadr tilama,
Hech qachon ayoldan yordam so'rama,
O'tkinchi hislardan sinmasin erkak,
Ayolning makriga uchmasin erkak.

Mayli kuning o'tmay qolsa ham,
Mayli hayot o'yin qilsa ham,
Bir kungina umring qolsa ham,
G'ururini pulga sotmasin erkak,
Ayolning makriga uchmasin erkak.

Qilgan ishlaringning javobi bordur,
G'urursiz erkaklar doimo xordur,
Afsus oramizda shundaylar bordur,
Do'zax olovida yonmasin erkak,
Ayolning makriga uchmasin erkak.

Fisqu fasotlarga ko'p quloq solib,
Ayoldek o'tganni sen g'iybat qilib,
Tillo-yu zanjirga xo'p ruju qo'yib,
Ikki o't orasida qolmasin erkak,
Ayollik davosin qilmasin erkak.

Jiddiy bir mavzuni ko'tardim do'stlar,
Kimlar ne desalar, mayli desinlar,
Oллоh sinoviga tayyor tursinlar,
G'ururini pulga sotga erkaklar,
Ayolning makriga uchgan erkaklar.

VATAN

Bug'doy doni tushsa tuproqqa,
Unib chiqar jannat makonim.
Ketgim kelamas aslo yiroqqa,
Jonim sensan, O'zbekistonim!

Men bag'ringda jo'shqin buloqman,
Daryolardek toshaman bir kun.
Yurtim sening go'zal ko'rkingga,
O'z hissamni qo'shaman bir kun.

To'rt faslingning ko'rki o'zgacha,
Yog'duga boy nurli osmonim.
Insonlaring yashar yuzgacha,
Takrori yo'q O'zbekistonim!

Baxtli yashar senda oilalar,
Quvnab o'sar jajji bolalar.
Tinch faravon kunlaring sabab,
Sog'lim tashar har bir onalar.

Sen bahorsan tug'ulmoq fasli,
Sen avlodsan, Temurbek nasli.
Sen buyuklar oshyoni asli,
O'zing beksan O'zbekistonim!

RIVOYAT

Uchradi yo'limda mo'ysafid bir chol,
Yoshi ham to'qsonlarlar atrofi edi.
Yuzlandi ohista men tomon bir hol,
O'g'lim nega g'amgin turibsan, dedi.

Salom berdim, g'amginman biroz,
Yuragim dardlari to'lib toshadi.
Shunda otaxon yonimga kelib,
Ma'yus bir ohangda so'zin boshladi.

«Nega g'amgin turibsan o'g'lim,
Ko'zlaringda dardlar shodasi.
Ma'yis tortdi mening ham ko'nglim,
Bizlar axir olloh bandasi.

Eshitmoqni istadim seni,
Qalbingdagi dardu alamni.
Yoshligimni eslatding meni,
Yodga olay yoshlik olamni».

Eh, otaxon dunyo ishlari,
Yuragimni g'amga to'ldirgan.
Xiyonatu soxta insonlar,
Zabonimni so'zsiz o'ldirgan.

Ishonishni bilmayman kimga,
Insonlarga, yoki qalbimga.

Suyanishni bilmayman kimga,
Dushmanlarmi yoki do'stinga.

Kimni sevay qaysi go'zalni,
Xiyonatsiz ko'zlar bormikan.
Do'st deb bilay qaysi odamni,
O'zgarmagan yuzlar bormikan.

Sotqinlar ko'p insofsizlar ko'p,
Kimga dardim aytay otaxon?
Sirim bilgach do'stu dushmanlar,
Ortimdan tig' uradi shu on.

Dedi biroz o'ylab otaxon:
«O'g'lim, sening yuraging toza.
Senga bo'lsin butun bor jahon,
Inson sendan olsin andoza.

Qalbing istar buyuk muhabbat,
Do'stu yordan oqibat hurmat.
Chin mehrni istaysan o'g'lim,
Xohlamaysan qattiq razolat.

Seni ko'rib eshitib turgan,
Samolarda bordur bir iloh.
Senga shunday yurakni bergan,
Yeru samo yaratgan olloh.

Shukurlar qil, olloh sen uchun,
Yaratibdi toza bir yurak.

Shu sababli kelgan g'amlarni,
Bir sinov deb bilmog'ing kerak.

Insonlarni o'ylama aslo,
Ularning ham bordur yuragi.
Lekin ba'zi inson ahlining,
Nafsi erur faqat keragi».

Otaxonning bu gaplaridan,
Qalbinga nur kirgandek boldi.
Samimiy dil so'zlaridan,
G'amlar ham tark etgandek bo'ldi.

O'sha kundur tutmasdan qo'ydim,
Aktyor sifat insonlar qo'lin.
Yolg'iz olloh mehrini tuydim,
O'ylamasdan nomardlar yo'lin.

Bu oddiy bir rivoyat,
Tinglang, do'stu yoronlar.
So'zlarimdan ranjimang,
Yuragi yo'q insonlar.

SENMISAN

Aytgin menga rostini aytgin,
Kunmisan yo qaro tunmisan?
Muhabbatim menga eslatgan,
Yurakginam yoki senmisan?

Aytgin menga rostini aytgin,
Xushxonmisan shirin so'zmisan?
Yuragimni yolg'iz yig'latgan,
Armonlarim yoki senmisan?

Nimaligin bilomadim men,
Vujudimni qiynagan cho'g'ni.
Yoki qalbim qiynash uchun sen,
Yuragimga sanchdingmi o'qni.

Keyin bilsam bechora dilim,
Sevgining qo'lida bo'libdi asir.
Shuni bilki yagona gulim,
Ko'zlaring ko'nglimga etibdi ta'sir.

Aytgin menga rostini aytgin,
Men sevganim yorug' yuzmisan.
Sevgidek tuyg'uga muftalo etgan,
Yuragim sevgani nahot senmisan.

Aytgin menga rostini aytgin,
Jayron kabi qaro ko'zmisan?
Bu dunyoda men tanlaganim,
Sardorning sevgisi gulim senmisan?..

BILMAYDILAR

Poylaydilar, bosgan izim poylaydilar,
Sardor qachon sinarkan, deb o'ylaydilar.
Kulishimdan yurak bag'ri muzlaydilar,
Ko'rolmaslar hali meni bilmaydilar.

Nafratlaring, gumonlaring shuncha ko'pmi,
Yuragingda armonlaring yonar chog'mi?
Meni tanqid qilish senga shuncha zavqmi,
Nahot seni shundan o'zga ishing yo'qmi?

Suyanganim faqatgina shu sherlarim,
Bu dunyoda ishonganim yaqinlarim.
Ko'rolmaslar barchasiga aytar bir gapim –
Oyog'imdand chalmang nomard do'stlarim.

O'ylaganing faqatgina sarob bo'lar,
Ishonganing bu dunyoda sharob bo'lar.
Ko'rolmaslar bir kun kelib xarob bo'lar,
Nomard do'stlar hali meni bilmaydilar.

Kimligimni oshkor qilar shu sherlarim,
Duodadur erta-yu kech yaqinlarim.
Bu dunyoda ko'plab ko'rdi bu ko'zlarim,
Kimlar chin do'st kimlar esa dushmanlarim.

SHE'RIYAT

She'riyat shunchalar ekansan yomon
Muhammadni erta uxlatding.
She'r yozishni boshlagan hamon
Sardorni ham.yomon yig'latding.

Oq varaq ustiga qalam yurg'izsam
Eski dardlarim ham yodimga tushar.
Sevgini madh etib sherlarni yozsam
Yurak dartlarimni yana eslatar.

Endi bildim aslida sherning
Dardmand yuraklarda ilhomi bisyor.
Shuning uchun yig'lab doimo
She'rlarini yozarkan Sardor.

Dardlar ko'plik qilib bir boshga
Muhammad ham ko'p chidolmadi.
Bizlar kabi kitobxon yoshga
Dardga to'la sherlari qoldi.

Sardor ham qo'liga qalamin olib
O'ziga munosib so'z qidirmoqda.
Dardmand yuragini yana og'ritib
Ko'ngil ilhomlarin to'kib solmoqda.

Oq varaq ustiga to'kilsa so'zlar
Jiqqa yosh otilar hatto qalamdan.
Har kim ham she'r yoza olmaydi do'stlar
Yuragi yonmasa dard va alamdan.

YIG'LAGIM KELDI

Bugun hatto yillar turtkilab meni,
Baxtsiz ahvolimdan xo'rsinib kuldi.
Dunyo tashvishlarin unutib bugun,
Onamning bag'rida yig'lagim keldi.

Dunyoning menda bir qasdi bor go'yo,
Orzular o'rniga barq urdi ro'yo.
Men uchun eng sokin yagona dunyo –
Onamning bag'rida yig'lagim keldi.

Sevgandim dunyoda eng go'zal qizni,
Ko'ksimni og'ritib yuragim tildi.
O'chirdim yurakdan sevgi so'zini,
Onamning bag'rida yig'lagim keldi.

Ishongan do'stlarim hiylalaridan
Yuragim bir cheti gumonga to'ldi.
Ey dunyo bunchalar qiynama meni,
Onamning bag'rida yig'lagim keldi.

Kuyinmang onajon, mening dardimdan,
O'g'lingiz dunyoda eng baxtli inson.
Bu dunyo ishlari bir pul men uchun,
Onam bor yuragim uradi hamon.

Xudodan erta kech so'raganim shu,
Onamni sog' omon asrasa bo'ldi.
Men uchun dunyoda mehribon inson –
Onamning bag'rida yig'lagim keldi.

SEVARDIM

Yolg'izman, sensizlik naqadar og'ir,
Eslasam, ko'ksimda yuragim og'rir,
Bunchalar beshafqat bu dunyo axir,
Senga yuragimni berib sevardim,
Dunyoda eng baxtli bo'lib sevardim.

Baxtmisiz deganing hijron bo'ldimi,
Sevaman deganing yolg'on bo'ldimi,
Menga muhabbating armon bo'ldimi,
Senga dunyolarni berib sevardim,
Laylimsan, Majnundek bo'lib sevardim.

Sog'insam men seni qaylardan topay,
Yurak dardlarimni kimlarga aytay,
Ey do'stlar, sevgimni qanday unutay,
Men senga borimni berib sevardim,
Ko'zingdan baxtimni ko'rib sevardim.

Oshiqman, bu mening ko'ngil so'zlarim,
Muhabbat yo'lida bosgan izlarim,
Hanuz seni deya yashaydi qalbim,
Men seni qalbimda asrab sevardim,
Dunyoda eng baxtli bo'lib sevardim...

SEVGI SINOVI

Atirgulni hattoki kapalak ham sevarkan,
Shunday chiroyli gulni tikoni ham bo'larkan.
Atirgulni tikoni borligini bilsa ham,
Kapalak oshiq bo'lib atirgulga qo'narkan.

Mening yuragimga ham sening isming yozilgan,
Ko'zimning gavhariga suratlaring chizilgan.
Sevar edim shunchalar vujudimga sig'masdan,
Ammo sening sevgingsiz bu rishtalar uzulgan.

Kapalak kelgin endi, ikkimiz do'st bo'lamiz,
Atirgul tutgan qizga alvido deb qolamiz.
Dunyo qadar sevgimiz vayron qildi-ku ular,
Ikki qalbni bir yo'la yulib ketgan go'zallar.

Vaqt kelib atirgul suvsizlikdan so'ladi,
Kapalakning sevgisin qadrlaydi, biladi.
Sen ham bir kun atirgul ahvolida qolasan,
O'shanda sen sevgining nimaligin bilasan...

NAVRO'Z

Kunlar isib yashnar dalalar
Ochiladi qirda lolalar.
Boychechaklar tersa bolalar
Biling do'stlar kelmoqda Navro'z.

Qor tagida o'sgan lolalar
Bahor kelib gulga aylanar.
Jilg'alarda mavj urib suvlar
O'lkamizga Navro'zoy kelar.

Navro'z olib kelar yangi kun
Olib kelar qalblarga quvonch.
Har bir dilda uyg'otib uchqun
Bahor bilan kelar qaldirg'och.

Boychechaklar suluv qizlarning
Chiroyiga qo'shgaydur chiroy.
Bahor bilan birga qo'shilib
Kirib kelar xalqqa Navro'zoy.

Quyosh nurin ayamay sochib
Maysalarni asta uyg'otar.
Insonlar ham qalbini ochar
Navro'z sizni sog'inib kutar.

Navro'z olib kelar yangi kun
Olib kelar qalblarga quvonch.
Har bir dilda uyg'otib uchqun
Bahor bilan kelar qaldirg'och.

Boychechaklar suluv qizlarning
Chiroyiga qo'shgaydur chiroy.
Bahor bilan birga qo'shilib
Kirib kelar xalqqa Navro'zoy.

Quyosh nurin ayamay sochib
Maysalarni asta uyg'otar.
Insonlar ham qalbini ochar
Navro'z sizni sog'inib kutar.

OH, ONAJON

Seni menga eslatgan
Suratlaring qo'limda.
Ilk bora sevganimda
O'n sakkizda edimda.

Go'zal ekan muhabbat
O'zgachadur hislari.
Mangu qolar yurakda
Ilk sevgining izlari.

Bu ko'nghlimda uyg'ondi
O'zgacha bir hayajon.
Men sevgan ul go'zal qiz
Sizga o'xshar onajon.

Eh, onajon o'g'lingiz
O'n sakkizda sevibdi.
Ilk bora yuragini
Bir suluvga beribdi.

Rozi bo'ling onajon
Men sizga kelin qilay.
Sovchi bo'lib boring siz
To'y qilib olib kelay.

Oh onajon onajon
Rozi bo'ling onajon.
O'g'lingiz sevganini
Kelin qiling onajon.

OTA-ONA

Jannat bulog'idan ichmoq istasang,
Bog'idan mevalar uzmoq istasang,
Dunyodan inson bo'lib o'tmoq istasang,
Otani qulamas tog'im deb bilgin,
Onani tugamas davlat deb bilgin.

Dunyoda ishongan do'stlaring ular,
Ko'zingning nuri va yuraging ular,
Farzandin erta kech duolar qilar,
Otani qulamas tog'im deb bilgin,
Onani tugamas davlat deb bilgin.

Uzoqlarda yursang sog'inib qolar,
Yo'ling kutaverib ko'zlari tolar,
Hayotingning tanho ma'nosi ular,
Otani qulamas tog'im deb bilgin,
Onani tugamas davlat deb bilgin.

YURAGIM DARDLARI

Ko'chada izg'irin, esmoqda shamol,
Ko'nglimni muzlatib ketarmu endi.
Yana ma'yus tortdi bechora xayol,
Yuragim dardlari bitarmu endi.

Bir yonda sevgining o'tli tig'lari,
Qalbimni armonga to'ldirib ketdi.
Omadsiz qolganda umrim yo'llari
Meni har tomonga irg'itib ketdi.

Yugurmoq istasam yo'limga tuzoq
Qo'yishga payt poylab turar do'stlarim.
Yiqilsam ortimdan kulishib uzoq,
G'iybatim qilmoqda do'stu yorlarim.

Yonimda turib ham poylab ko'zlarim,
Oyog'imdan chaldi, qadirdonlarim.
Xursand bo'lmang mening holimga qarab,
Men uchun qadirsiz bo'lgan do'stlarim.

So'ngi bor aytaman nokas zotlarga,
Shu erur Sardorning yurak nolasi.
Teng kelmoq yarashmas sizdek itlarga,
Men axir ollohning suygan bandasi.

Sovuq shamol tinglab mening dardlarim,
Yuragim taftini o'ziga oldi.
Bunga guvoh bo'lib yozgan sherlarim,
Azobli dardimdan esdalik qoldi.

Kun kelib o'qiysiz ushbu sherimni,
Ko'z yoshlar to'kasiz, yig'lab qolasiz.
Har kun kuta-kuta mening yo'limni,
Qilgan ishingizdan afsus qilasiz.

ASRA O'ZINGNI

G'am tashvishlar ne ko'ylarga solsa ham,
Yo'qchilik gar oyog'ingdan chalsa ham,
Mayli bir zum kuning o'tmay qolsa ham,
O'ksitma ey do'stim o'zingni asra,
Barchasi o'tkinchi, o'zingni asra.

Ertayu kech duoda bo'lgan,
Seni deya o'zin yo'q deb unutgan,
Yo'llaring kutaverib ko'zlari tolgan,
Onajoning uchun asra o'zingni,
Otang uchun do'stim asra, o'zingni.

Bir sen uchun har nelarga chidagan,
Topganingni aslo kam deb bilmagan,
Or nomusin doim halol saqlagan,
Vafodoring uchun asra o'zingni,
Go'zal yoring uchun asra, o'zingni.

Yo'qchiliklar adashtirsa yo'llaring,
Alamlardan yig'lasa gar ko'zlaring,
Ne bo'lsa ham aslo qo'ymas qo'llaring,
Dilbandlaring uchun asra o'zingni,
Jigarlaring uchun asra o'zingni.

Og'ir kunlar aslo seni sotmagan,
Mol dunyoning botqog'iga botmagan,
Vijdonsizlik ko'chasidan o'tmagan,
Chin do'stlaring uchun asra, o'zingni,
Yaqinlaring uchun asra, o'zingni.

LAZGI

Bir bordimu Xorazimning elina,
Qayroqlarin olganimda qo'lima.
Chor tarafdin eshitildi sho'x sado,
Yuragimni titratguvchi bir navo.

Esga tushib Komiljonning termasi,
Olmaxonu, Ortiqjonning sho'x sasi.
Xorazimda endi ilk bor yangrasin,
Men hofizning kuylagan ilk lazgisi.

Ustozlarning lazgilari o'ynatar,
Davralarga o'zgacha fayz baxsh etar.
Vujudingni boshdin oyoq titratib,
Yuragimni o'zgacha his yayratar.

Komiljonning termasidur bu sado,
Ortiqjondan meros qolgan sho'x navo.
Shu lazgini kuylab ustoz Raxmatjon,
Xalqimizdan odi olqishu duo.

Sho'x lazgilar Xorazimning jonidur,
Og'abegu Hulkarxon ovoqidur.
Osmonlarda yurgan ustoz Ortiqdan,
O'zbek xalqi bugun juda rozidur.

Kuylab men ham Xorazimning lazgisin,
Bossam deyman ustozlarimning izin.
O'zbeginning mehru duosin olib,
Qilsam deyman xalqimizning xizmatin.

Ustozlarning lazgilari o'ynatar,
Davralarga o'zgacha fayz baxsh etar.
Vujudingni boshdin oyoq titratib,
Yuragimni o'zgacha his yayratar.

BILMADINGMU

Ko'zlaringdan afsus o'zim ko'rolmadim,
Seni sevib baxt neligin bilolmadim,
Bir bor to'yib yuzlaringga qarolmadim,
Nahot meni tuyg'ularim o'ynadingmu,
Seni jondan sevishimni bilmadingmu?

Tushlarimda ko'rar edim avvallari,
Bir umrga tushlarimda ko'rsam qani,
Ammo meni yolg'iz qilib ketding nari,
Yoki yuragimni atay qiynadingmu,
Seni jondan sevishimni bilmadingmu?

Men yoningda bir umrga qololmadim,
Yuragingda kim borligin bilolmadim,
Gulim sening muhabbating bo'lolmadim,
Aytgil, mening holimni ham o'yladingmu,
Seni jondan sevishimni bilmadingmu.

Nahot endi ko'rolmayman ko'zlaringni,
Meni maftun etgan o'shal yuzlaringni,
Tutolmayman qordek oppoq qo'llaringni,
Kulib meni yuragimni tirnadingmu,
Seni hanuz sevishimni bilmadingmu?

JIGARLARIM

Ba'zi dunyo ishiga
Yetmas ekan qo'llarim.
Ko'ngil g'amga to'lganida
Qo'l, qanot jigarlarim.

G'aflatda qolib ketib
Adashtirsam yo'llarim.
To'g'ri manzil ko'rsatib
Yonimda jigarlarim.

G'am kelsa yonimdasiz
Yiqilsam suyagansiz.
Doimo qalbimdasiz
Mehribon jigarlarim.

Bugungi yutuqlardan
Quvonganda ko'zlarim.
Sizni esga olaman
Qalbi pok jigarlarim.

Sizga atab yozaman
Eng chiroyli sherlarim.
Boringizga ming shukur
Qadrdon jigarlarim...

OTAMGA MUNOSIB FARZAND BO'LAMAN

Mayli qanday o'tmasin umrim,
Peshonamda borin ko'raman.
Bu dunyoda yigitlik so'zim,
Otamga munosib farzand bo'laman.

Kuydirsa quyoshning yorqin nurlari,
Shamol bor tomonga yuzim buraman.
Adashsa bir zumga umrim yo'llari,
Otam duosidan yo'lim topaman.

Orzularim barchasi ushalar bir kun,
Ijod osmonida qushdek uchaman.
Otam qilgan duolar uchun,
Elimiz siylagan inson bo'laman.

Ey dunyo eshitgin dildagi arzim,
Otamning oldida ko'p erur qarzim.
Der ekan ollohga duolar qilib,
Men yetmagan kunga yetsin farzandim.

Bo'lishni istagan otam ijodkor,
Qo'shiq aytsam menga chalar edi tor.
Bugun duolari bo'lib madadkor,
Ijodning bag'rida yuribdi Sardor.

Qulog'im ostida ilk aytgan qo'shiq,
Jarangdor sozlarda chalgan kuyingiz.

Bir kun kelib mashhur bo'ladi,
Siz sabab ijodkor bo'lgan o'g'lingiz.

Oллоh otam umrin ziyoda qilsin,
Doimo bizlarga bosh bo'lin yursin.
Mashhur bo'lib elga tanilsam,
Otam kulib meni yonimda tursin.

NARGIZAXON

Qarang go'zal sallona yurib,
Men tomonga kelmoqda arang.
Ma'yusgina jilmayib qo'yib,
Nargizaxon kelmoqda qarang.

Yuragimda duk-duk hayajon,
Ko'zlariga tushganda ko'zim.
Vujudimda boshqacha tug'yon,
Lablarimdan chiqmasdi so'zim.

Go'zal ekan misli atirgul,
Tarifga bitgayman g'azal.
Bir ko'rishda sevdiku ko'ngil,
Nargizaxon ekansiz go'zal.

Bir lahzada sevdim netayin,
Sizni qalbim kelar ko'rgisi,
Har kun endi sizni kutayin,
Nargizaxon qalbim og'risi.

Men bir shoir ishqingiz quli,
Sevib qoldim sizni to'g'risi.
Bog'imning siz yagona guli,
Nargizaxon qalbim o'g'risi.

ODAMLAR

Bo'lsa hamki dunyo beshafqat,
O'tib ketar barcha sinovlar.
Hayotda nimalar bo'lsa ham faqat,
O'zingizni asrang odamlar.

Olislarda yurgan musofir,
O'zga yurtda bosar qadamlar.
Nima bo'lsa hamki bu taqdir,
O'zingizni asrang odamlar.

G'animatdur har bir onimiz,
G'animatdur shirin jonimiz.
Bu dunyoda yolg'iz borimiz,
O'zingizni asrang odamlar.

Sinovlarin yo'llasa xudo,
Yig'latsalar sizni alamlar.
Bo'lsangiz ham boridan judo,
O'zingizni asrang odamlar.

Kulib yashang dunyoda doim,
Baxtingizni bersin xudoyim.
Ko'rinmasin ko'zlarda namlar,
Asl inson bo'lgan odamlar.

Uchrasa ham mayli to'siqlar,
Ko'paysa ham tashvishu g'amlar.
Kelar bir kun siz kutgan damlar,
O'zingizni asrang odamlar...

QISHLOG'IM QIZLARIGA

Yodimda sizlarning kulishlaringiz,
Yuragim yoqardi yurishlaringiz.
Yodimda siz aytgan pinhona so'zlar,
Qishlog'im qizlari tengi yo'q qizlar.

Yoshligimdan sirdosh, mehribon,
Ovozlari shirin xush zabon.
Mehr yongan ohudek ko'zlar,
Qishlog'im qizlari tengi yo'q qizlar.

Juda olis shaharda o'zim,
Soginaman bugun sizlarni.
Ko'rsam deya yana ko'zlarim,
Qishloqdagi go'zal qizlarni.

Ko'rdim shaharning ham suluvlarini,
Eshitdim sevaman degan so'zlarni.

Lekin qalbim tubida doim,
Bir umr sevaman qishloq qizlarni.

Barchangizga aytar bir gapim,
Quloq soling shoir so'ziga.
Nasib qilsa bir kun xudoyim,
Uylanaman qishloq qiziga.

GULCHIROY

Sen qalbim malikasi,
O'zingsanku hoyna-hoy.
Yuragimning egasi,
Yorim o'zing Gulchiroy.

Tanlab topganim o'zing,
Jayrondek qaro ko'zing.
Sevdim degan har so'zing,
Jonga yoqar Gulchiroy.

Kunduz eslatar gullar,
Tunda esa to'lin oy.
Hayotimning mazmuni,
Bo'lib qolding Gulchiroy.

Sen bog'im atirguli,
Menc-hi sayroq bulbuli.

Sardorning oshiq dili,
Seni deydi Gulchiroy.

Qalbimni sen o'g'irlab,
Yuragimdan olding joy.
Ko'zing bilan sehrlab,
Maftun etding Gulchiroy.

ONALAR

Hayotning sinovidan,
Qo'llari to'la qadoq.
Qarilikning dastidan,
Sochlariga tushdi oq.

Onalar bu dunyoda,
Farzand uchun yashaydi.
Qancha azob ko'rsa ham,
Barchasiga chidaydi.

Hayotdagi orzusi,
Farzandin baxtin ko'rsa.
Nabiralari bilan o'ynab,
Qarilik gashtin sursa.

Lekin bu orzularga,
Ko'p onalar yetmaydi.

Farzandini o'stirib,
Rohatini ko'rmaydi.

Farzand bo'lib onangni,
Qo'l qanoti bo'lmasang.
Pul topish ilinjida,
Uyga bir bor kelmasang.

Bu dunyoda pul emas,
Onam bor deb ko'ksing ker.
Mayli puling bo'lmasin,
Bor mehringni unga ber.

Boshidagi oq sochdan,
Bilgin hayot qadrini.
O'zimning dardim deb bil,
Onajoning dardini.

Ey do'stlar onalarni,
Bitmas davlat bilaylik.
Bir umrga ularni,
Yonlarida bo'laylik.

SEVGI NIMA EKAN

Sevgi nima ekan bilolmay qoldim,
Kuchsiz yuragimni o'ylagim kelar.
Dard to'la ko'ksimda yolg'ondan kuldim,
Men ham goh-gohida yig'lagim kelar.

Bir yonda dod solar sog'inch bechora,
Sevganim qayda deb izlar jon halak.
Ketdiku qalam qosh qaytmas, na chora,
Dardlarim tinglaydi yolg'iz shu falak.

Gohida talpinib og'rinar yurak,
Visolin qumsaydi ketgan malakning.
Menga u kerak der faqat u kerak,
Ne qilay yordam ber bir bora falak.

Ilojsiz dardlarni yutib yuraman,
Sog'inib ko'z yumsam tushda ko'raman.
Tushumda sevgimning qo'lidan tutib,
Ko'ziga tik boqib ma'yus kulaman.

Unutib barchasini tark etgim kelar,
Tushumda bir umr quchsam sevgimni.
Dardimni so'zlasam bir doston bo'lar,
Ayting kim tushinadi mening ko'nglimni.

Sevgi sarobmisan yoki istirob,
Ayting sevgan bormu dunyoda mendek.
Ayting nima qilay ayting insonlar,
Ayting nima qilsin oshiq Sardorbek?

G'ANIMAT

Iymon yo'lin tanlagan,
Mehri ko'zda chaqnagan.
Gi'ybat nima bilmagan,
Shirin jonlar g'animat.

Gunoh yo'ldan yurmagan,
Qo'li qonga botmagan.
Nomard qo'lin tutmagan,
Ahli inson g'animat.
Omon saqlab jonini,
Mag'rur tutgan orini.
Qalbdan sevgan yorini,
Shirin jonlar g'animat.

Aslo g'amga to'lmagan,
Fisqu fasot qilmagan.
G'aflat bosib qolmagan,
Go'zal qalblar g'animat.

Topganiga shukur deb,
Umri savobga to'lib.
Doim tabassum qilib,
Yurgan jonlar g'animat.

Ota-ona borligin,
Farzandlari so'g'ligin.
Omad doim borligin,
Bilgan inson g'animat.

Hushyor ochib ko'zini,
To'g'ri topib yo'lini.
Yaqinlarin qo'lini,
Tutganlar ham g'animat.

Baxtimizga bor bo'ling,
Savoblarga boy bo'ling.
Sardorbekka qo'l bering,
O'tar umr g'animat.

SEVGIM MENING

Boshim egdim muhabbatning ozoriga,
Aldanibman bevafoining yolg'oniga.
O'zin solib o'tkinchi his bozoriga,
Arzon qo'llar tutib ketgan sevgim mening.

Men sen uchun qancha yonib kuygandima,
Yuragimni qo'llaringga tutgandima.
Senga atab qancha qo'shiq bitgandima,
Arzon qo'llar tutib ketgan sevgim mening.

Ayt muhabbat o'yinmidi yoki sarob,
Ahvolimga bir bor qara holim xarob.
Dardlarimga sherik bo'lgan yolg'iz sharob,
Arzon qo'llar tutib ketgan sevgim mening.

Qara bugun sensizlikda umrim o'tar,
Yuragimni xotiralar tirnab ketar.
Endi boshqa sevmayman bas, boldi yetar,
Yuragimni olib ketgan sevgim mening.

KARONAVIRUS

Ko'z yoshlarga ko'mildi dunyo,
Bu ko'rinmas dard balosidan.
Osmonlar ham mung'aydi go'yo,
Insonlarning oh nolasidan.

Bugun barcha inson ahlini,
Sinamoqda bu qodir xudo.
Kimlargadur bermoqda shifo,
Kimdur bo'ldi jonidan judo.

Kimlar dunyo talashgan kunda,
Kimlar g'iybat toshin otganda.
Kimlar yomon yo'ldan o'tganda,
Shunday dardni berarkan olloh.

Goh unutib bitta shirin so'z,
Yaqinlarga burdik hatto yuz.
Bugun darddan yoshlanganda ko'z,
Olloh sendan davo so'radik.

Tangrim sendan tilaymiz shifo,
Asra bizni yaratgan egam.
Kasalmandlar topsinlar davo,
Sog'lom bo'lsin bu qodir olam.

Mehrimizni ayamay berib,
Yaqinlarni xursand qilaylik.
Doim ular yonida bo'lib,
Bugun do'stlar uyda qolaylik.

O'ZBEGIM HOFIZLARI

Borligingiz shu ijodga baxshidadur,
Kuylaringiz xalq mehriga oshuftadur.
Yuraklarda mudom yashar nolishlari,
Xalqimizning dong'i ketgan hofizlari.

O'zbekimning mehri tushgan insonlari,
Sevimlidur Tavakkalu Oxunlari.
Qalblar uzra hanuz yashar qo'shiqlari,
Muhriddinu Ma'murjondek hofizlari.

Sho'x lazgilar Komiljonning termalari,
Quloqlarga xush yoqadi navolari.
Unutilmas Olmaxonning ovozlari,
Qalbni yoqqan Nuriddindek hofizlari.

Yuragimiz to'ridasiz, ardoqdasiz,
Xalqimizning bulbul kabi ovozlari.
Barhayotsiz bir umrga dillardasiz,
O'zbekimning dong'i ketgan hofizlari.

ISHONMA DO'STIM

O'ylama hayotda o'rning bo'lmasa,
Do'stlaring oldida qadring qolmasa,
Vafoli yoring ham ko'ngling bilmasa,
Barchasi bir sinov, o'kinma do'stim,
O'zingdan o'zgaga ishonma do'stim.

Kimdur sendan o'tar, kimlardir qolar,
Kimdur yo'lin topar, kimlar yo'qotar.
Kimdur seni bilar, kimlardir sotar,
Taqdir sinoviga tayyor tur do'stim,
O'zingdan o'zgaga ishonma do'stim.

Mol-dunyo davlating tugab bitsa ham,
Do'stlaring og'ir dam tashlab ketsa ham,
Hayotda eng so'ngi kuning bo'lsa ham,
Nokaslarga o'yin bo'lmagin do'stim,
O'zingdan o'zgaga ishonma do'stim.

Ortingdan o'zgalar g'iybat qilganda,
Boshingga azobli g'amlar kelganda,
Sevganing o'zgaga ko'ngil berganda,
Taqdirning zarbidan egilma do'stim,
O'zingdan o'zgaga ishonma do'stim.

Kulib ko'ngling olguvchilar ko'p,
Oyog'ingdan chalguvchilar ko'p,
Aldab yo'lga solguvchilar ko'p,
Bosgan qadamingga ogoh bo'l do'stim,
O'zingdan o'zgaga ishonma do'stim.

TO'RTLIKLAR

Bilmoqchi bo'lsa gar kimlardur meni,
Yozgan sherlarimni o'qisin bir bor.
Ishontirib aytay do'stlarim sizni,
Har bir jumlasida yashaydi Sardor.

Do'stlaring bir kuni seni sotganda,
Yaqinlar qalbingga toshlar otganda.
Vafoli yoring ham tashlab ketganda,
Ota-onang senga tirgak bo'larkan.

Borliqni to'ksam ham onam poyiga,
Barchasi kaftimga sig'madi qo'yo.
Keyin bilib oldim aslida,
Onamning poyidan yaralgan dunyo.

Otning o'rniga eshak,
Qilar doim mehnatni.
Rohatini ot ko'rar,
Eshak yeyar kaltakni.

MUNDARIJA

Gar onamsiz	3
Yangi sarbon	4
Qadrdonlarim	5
Aziz odamlar	6
Sinovli dunyo	7
Yiroqdagi yaqinlarim	8
Qishlog'm	9
Sinar yigitlar	10
Yoshlik bayoti	11
Bobojon	12
Sarob	13
Meros vatan.....	14
Mehr	15
Alvido	16
Omad	17
Yig'lama	18
Buyk meros	19
Vatandir bu	20
Singlim	21
Giybatim qilmang	22
Alam	23
Seni sog'indim	24
Yashayotgan insonlar	25
Umr	26
Mangu ayrildik	27
Notinch davlatlarga	28
Qadrdonlarim	29
Navoiy shahrim	30
Feruzaxon	31
Ollohimning bandalari	32
Nasihat	33
Do'st	34
Hayot sinovlari	35
Xayr, sevgilim	36
Yoshlik yillari	37
O'zbekiston	38
Gulim	39
Yurak	40
Erkak	42
Vatan	43

Rivoyat	44
Senmisan	47
Bilmaydilar	48
She'riyat	49
Yig'lagim keldi	50
Sevardim	51
Sevgi sinovi	52
Navro'z	53
Oh, onajon	55
Ota-ona	56
Yuragim dardlari	56
Asra o'zingni	58
Lazgi	59
Bilmadingmu	60
Jigarlarim	61
Otamga munosub farzand bo'laman	62
Nargizaxon	63
Odamlar	64
Qishlog'im qizlariga	65
Gulchiroy	66
Onalar	67
Sevgi nima ekan	69
G'animat	70
Sevgim mening	72
Koronavirus	73
O'zbekim hofizlari	74
Ishonma do'stim	75
To'rtliklar	76

